

醫聖張仲景傳

焦易堂敬贈

焦易堂敬題



登錄號：001510
書 碼：7825

目錄

醫聖張仲景遺像	一
南陽醫聖祠墓攝影	一
醫聖張仲景傳 附歷代名醫評贊	一三
謁南陽醫聖張仲景祠墓記	一九
王幼農范紫東致焦易堂館長函	一九
黃謙致南陽縣縣長王幼僑函	二一
中央國醫館咨河南省政府函	二二
河南省政府咨中央國醫館函	二二
甯波訪求仲景遺書記	二三
讀黃竹齋「甯波訪求仲景遺書記」書後	二七
附周岐隱先生來函	三一
傷寒雜病論序	三一
中央國醫館第二屆全國國醫藥界代表大會提案	三四
重修南陽醫聖祠董事會章程	三六
發起重修南陽醫聖祠備案及籌備會議決議之經過	三八
附左修之先生像傳	三八



醫聖張仲景像

侯披孫公明與神通
極顯軍師垂教老亨
德去秋存惟仁是化
方江祖云孰不後
天明甲辰上秋

張通贊




前像爲余友陳遜齋先生高足陳震異君最近得於日本漢醫大家木村博昭所著傷寒論釋義書中云一此像爲餘浚明所繪溫容穆穆實堪欽仰浚明字大初號春塘素尙高雅執贄於大雅之門殊善山水筆致細密色澤秀潤能傳大雅正脈云圖上有贊厥辭曰倬彼張公明與神通探頤闢秘垂教無窮微言猶存惟仁是洪方法之祖云就不從天明之秋阪通拜贊一此贊格調古雅可誦考日本天明甲辰乃清乾隆四十九年也茲值醫聖張仲景傳付印將竣適發現遺像瞻仰之餘無任欣忭因亟製版登諸傳端俾資海內外同仁觀感云爾中華民國二十四年四月二十九日黃竹齋敬識於中央國醫館


醫聖張仲景之墓



南陽醫聖祠全圖



南陽醫聖祠正殿圖



醫聖張仲景傳

張機、字仲景、南陽人也。學醫於同郡張伯祖、盡得其傳、正於治療尤

精經方、遂大有時譽。漢靈帝時舉孝廉、官至長沙太守。與同郡何顥客遊

洛陽、顥探知其學。謂人曰、仲景之術、精於伯祖、起病之驗、雖鬼神莫

能知之、真一世之神醫也。

〔李廉醫史〕林億等校正序曰、張仲景漢書無傳、見名醫錄。云南陽人、名機、仲景乃其字也。舉孝廉、官至長沙太守。始受術於同郡張

伯祖、時人言、靈用精微過其師。〔醫說〕張仲景方序論云、張伯祖南陽人、性志沈簡篤好方術、診處精審、療皆十全、為當時所重。同郡張仲景異而師之、因有大譽。〔太平御覽〕何永別傳云、同郡張仲景總角造永、謂曰

、君用思精而識不高、後將為良醫、卒如其言。永先識獨覺、言無虛發。〔古今醫統〕作何顥。〔襄陽府志〕張機、字仲景、南陽棘陽人。〔河南通志〕張機、涅陽人。○案〔後漢書郡國志〕荊州刺史部郡七、南陽、南郡、江夏

、零陵、桂陽、武陵、長沙。其棘陽、涅陽、皆南陽郡所屬城。棘陽、今湖北省棗陽縣。涅陽、今河南省南陽縣。何顥字伯求、後漢書黨錮列傳。後在京師為名醫、於當

時為上手。〔醫說〕引仲景方論序。仲景見侍中王仲宣、時年二十餘、謂曰、君有病、四

十當眉落。眉落半年而死、令服五石湯可免。仲宣嫌其言忤、受湯勿服。



MG
K826.2-342

居三日見仲宣、謂曰、服湯否。仲宣曰、已服。仲景曰、色候固非服湯之診、君何輕命也。仲宣猶不信。後二十年果眉落、後一百八十七日而死、終如其言、此事雖扁鵲倉公無以加也。

〔皇甫謐甲乙經序〕曰太平御覽卷七百三十九何永別傳、張仲景過山陽王仲宣。謂曰、君有病、後

年三十當眉落。仲宣時年十七、以其言實遠、不治。後至三十疾、果落眉。又卷七百二十二何永別傳。王仲宣年十七、嘗遇仲景。仲景曰、君有病、宜服五石湯、不治且成。後年三十、當眉落。仲宣以其賢長也遠、不治也。後至三十、病果成、竟眉落。其精如此、仲景之方術、今傳於世。○案孫思邈千金翼方序云、仲景候色而驗眉、蓋本諸此。又抱朴子內篇卷第五云、仲景穿胸以納赤餅。陸九芝曰、此不類仲景所為、或以華元化有滌藏縫腸之事、而仲景與之齊名、遂附會其說歟。

仲景垂妙於定方。〔晉書皇宗族二百餘口、自建安以來、未

及十稔、死者三之一、而傷寒居其七。

〔襄陽府志〕曰後漢書袁術傳初平三年術據南陽、建安二年、僭號自稱仲家。時天旱歲荒、士民凍餒

食殆盡。

感往昔之淪喪、傷橫天之莫救。乃勤求古訓、博采衆方。〔本書論集〕曰

、凡欲和湯合藥鍼灸之法、宜應精思。必通十二經脈、辨三百六十孔穴、榮衛氣行、知病所在。宜治之法、不可不通。古者上醫相色、色脈與形、

不得相失。黑乘赤者死，赤乘青者生。中醫聽聲、聲合五音。火聞水聲、煩悶干驚。木聞金聲、恐畏相刑。脾者土也、生育萬物、迴助四傍。善者不見、死則歸之。太過則四肢不舉、不及則九竅不通。六識閉塞、猶如醉人。四季運轉、終而復始。下醫診脈、知病源由。流轉移動、四時逆順、相害相生、審知藏府之微、此乃爲妙也。

〔千金方〕案此段之文、與金匱首篇多相發明。惟六識乃出六朝後之佛書、仲景曷嘗有此語、其

爲孫氏所增無疑。觀引論集二段文、自見。

又曰、欲療諸病、當先以湯蕩滌五藏六府。開通經脈、理

導陰陽。破散邪氣、潤澤枯槁、悅人皮膚、益人氣血。水能淨萬物、故用

湯也。若四肢病久風冷發動、次當用散。散能逐邪、風溼痺、〔千金〕作風氣溼痺表裏

移走、居無常處者、散當平之。次當用丸、丸能逐風冷、破積聚、消諸堅

癥、〔千金〕作堅癥進飲食、調榮衛。能參合而行之者、可謂上工。故曰、醫者意

也。又曰、不須汗而強與汗之者、奪其津液、令人枯竭而死。須汗而不與汗之者、使諸毛孔閉塞、令人悶絕而死。不須下而強與下之者、令人開腸洞泄、便溺不禁而死。須下而不與下之者、令人心內懊懣、脹滿煩亂、浮腫而死。不須灸而強與灸之者、令人火邪入腹、干錯五藏、重加其煩而死。須灸而不與灸之者、令人冷結重凝、久而彌固、氣上衝心、無地消散、

病篤而死。

「金匱玉函經」于金方。○案此篇二百五十八字、將一部傷寒雜病論、湯液散丸之功用、汗下溫灸之原理、開發無餘蘊、學者所當深玩也。又案序例成氏註、云金匱玉函曰、則千金方引此題

曰張仲景、信矣。「華氏中藏經」亦載此篇、其文少異、蓋後人僞纂也。瀕湖未審、本草綱目序例作華陀曰、誤矣。又序例土地溫涼高下不同一節、「外臺」「總病論」皆作王叔和曰云云、而本草綱目序例題張仲景曰。其以仲景之言為華陀、以王叔和之言為仲景、失於審辨也殊甚。今特考明、附論於此。 又須珍貴之藥、非貧家野居所能立辦、由是怨

嗟、以為藥石無驗者、此弗之思也、

「金匱玉函經」○此段按經方所以不取珍貴藥品之意、仁人之言、其利溥哉。

又曰、人

體平和、惟須好將養、勿妄服藥。藥勢偏、有所助、令人藏氣不平、易受

外患。夫含氣之類、未有不資食以存生、而不知食之有成敗、百姓日用而不知、水火至近而難識。余慨其如此、聊因筆墨之暇、撰五味損益食治篇以啓童稚。庶勤而行之、有如影響耳。〔千金方〕○此段文、蓋序附禽獸魚蟲果實榮殺禁忌而竟刪之、過矣。撰用素問九卷、八十一難、陰陽大論、胎臚藥錄、并平脈辨

證、爲傷寒雜病論合十六卷。〔本書論集〕○案〔梁七錄〕張仲景辨傷寒十卷。〔隋書經籍志〕張仲景方十五卷。辨傷寒十卷。評病要方一卷。療婦人方三卷。〔唐

書藝文志〕王叔和張仲景藥方十五卷。傷寒雜病論十卷。〔宋史藝文志〕脈經一卷。五藏榮衛論一卷。傷寒論十卷。金匱要略方三卷。療黃精一卷。口齒論一卷。金匱玉函八卷。林億等校正序曰、張仲景爲傷寒雜病論合十

六卷、今世但傳傷寒論十卷、雜病未見其書、或於諸家方中載其一二矣。翰林學士王洙、在館閣日、於蠹簡中、得仲景金匱玉函要略方三卷。上則辨傷寒、中則論雜病、下則載其方、并療婦人。乃錄而傳之士流、才數家

耳。今先校定張仲景傷寒論十卷、總二十二篇、證外合三百九十七法、除重複定有一百一十二方。次校定金匱玉函經。今又校成此書、仍以逐方次於證候之下、使倉卒之際、便於檢用也。又採散在諸家之方、附於逐篇之

末、以廣其法。以其傷寒文多節略、故所自雜病以下、終於飲食禁忌、凡二十五篇、除重複合二百六十二方、勒成上中下三卷、依舊名曰金匱方論。此仲景書、自漢建安十年至宋治平二年、上下八百五十六年、分合隱顯

之大槪也。〔太平御覽〕引高洪養生論云、王叔和編次張仲景方論爲三十六卷、大行於世。〔千金方〕傷寒門云、江南諸師秘仲景要方不傳。今考〔千金方〕所載金匱方論十之八九、亦載傷寒論惟甚簡略、疑即王洙由館閣所獲

之本。孫氏晚年始獲傷寒論。收載之於翼方。後天寶中，王焘撰「外臺秘要」，中載仲景傷寒論方，合今金匱計一十八卷，與史志所載卷數皆不合。蓋校板印刷之術，始於五代馮道。其先書籍皆由抄寫，故分卷各不同也。孫兆外臺秘要疏云，張仲景集醫小品最為名家，今多亡逸。是知仲景尚著有集驗小品二種，其書久佚，今惟於外臺秘要中得窺其厓略。其文辭簡古奧雅，古今治傷

寒者，未有能出其外者也。「文獻通考」引陳振孫書目題辭最為衆方之祖，又悉依本草。但其

善診脈、明氣候、以意消息之耳。「陶宏景名醫別錄序」○「陰證略例」文壽公云、仲景為羣方之祖。唐其于志寧傳「本草所載郡縣多在漢時、疑張仲景

華陀宜記其語別錄者。華陀讀而喜曰、此真活人書也。「襄陽府志」○案孫奇校金匱方論序云、臣奇嘗讀魏華陀傳、云出書一卷、曰此書可以活人。每觀華陀

凡所療病、多尚奇怪、不合聖人之經。臣奇謂活人者、必仲景之書也。「朱肱活人書張藏序」云、華陀指張長沙傷寒論為活人書、昔人又以金匱玉函名之、其重於世如此。然其言雅奧、非精於經絡、不可曉會。府志之言、

蓋有所本。「巢氏病源」云、華陀之為治、或剝斷腸胃、滌洗五臟、不純任方也。仲景雖精不及於陀、至於審方物之候、論草石之宜、亦妙絕衆醫。論者推為醫中亞聖。而

范蔚宗後漢書、不為仲景立傳、君子有遺憾焉。「襄陽府志」○案仲景「丁仲祐歷代名醫列傳」附論、謂考後漢書三國志、自

孫堅為長沙太守後、靈獻之間無仲景守長沙之日、云云。今考靈帝紀、孫堅為長沙太守在中平四年、上距建甯紀元一十八年。蓋仲景為長沙太守、在建甯年間、值黨錮事起、旋即致仕、故其佚事見於何顛別傳也。又「方

中行傷寒條辨」載張松北見曹操、以其川中醫有仲景為誇。陸九芝云、仲景入川、事無可據、明是稗官家言。考「後漢書袁術傳」術畏卓之禍、出奔南陽、會長沙太守孫堅殺南陽太守張咨、引兵從術。表上術為南陽太守。

也。問其主、易祝而包、而楊、楊又復歸包、包孝廉慨然捐其地。郡丞漢陽張三異聞其事而奇之、為募疏請之、監司僚屬、輸金助工。立專祠、重門殿廡、冠以高亭、題曰漢長沙太守醫聖張仲景祠墓。耆老陳誠又云、祠後高阜、相傳為先生故宅、迄今以張名巷。巷之西有張真人祠、名額存焉、祀張仙、或傳之久而誤也。祠墓成於順治丙申年、距戊辰已三十稔云。節錄桑去張仲景祠墓記、及馮應齋醫聖張仲景靈應記。○按仲景墓在今南陽縣、東郭北隅醫聖祠內。墓高八尺、東距郭垣僅五步。考南陽環城郭砦、建築於清同治五年。三皇廟在祠南七十步、其中神像於民國十七年為駐軍所毀。仁濟橋在廟東郭砦外。而馮應齋明崇禎元年所刊之記事碑、湮沒者三百餘年、余於癸酉孟冬獲見、昇豎殿左、並撰製楹聯、文曰道緝農黃、德侔孔孟、懸諸殿前、藉表景仰之誠云。

沖深、淡於矯矜、尚於救濟。事仲景、多獲禁方、遂為名醫。〔醫說〕引衛汛

仲景方序

、好醫術、少師仲景、有才識、撰四逆三部厥經、及婦人胎藏經、小兒顛

顛方三卷、皆行於世。〔太平御覽〕引張仲景方序○〔千金方〕卷二十六食治序論、河東衛汛記曰

者醫也。安身之本必資於食、救疾之速必憑於藥。不知食宜者、不足以存生也。不明藥忌者、不能以除病也。是故食能排邪而安臟腑、悅神爽志以資血氣。若能用食平瀉、釋情遣疾者、可謂良工。長年餌老之奇法、極養生之術也。夫為醫者當須先調曉病源、知其所犯、以食治之、食療不愈、然後命藥、藥性剛烈、猶若御兵、兵之猛暴、豈容妄發。發用乖宜、損傷處衆、藥之投疾、殃濫亦然。又〔千金翼方〕衛汛稱扁鵲云、安身之本、必須於食、救疾之道、惟在於藥。不知食宜者不足以全生、不明藥性者不能以除病。故食能排邪而安臟腑、藥能恬神養性以資血氣。故為人子者、不可不知此二事。是故君父有疾、期先命食以療之。食療不愈、然後命藥。

方。故孝子須深知食藥二性，其在千金方第二十六卷中。王叔和、高平人也。博好經方、尤精診處、洞識攝養

之道、深曉療病之源。採摭羣論、撰成脈經十卷、篇次張仲景方論爲三十

六卷、大行於世。「東晉張洪養生方」云：「皇甫謐甲乙經序」近代太醫令王叔和、撰次仲景、選論甚精、指事施用。」「唐甘伯宗名醫傳」仲景作傷寒論錯簡、迨西晉高平人王叔和撰次成序、

得成全書。「太平御覽」引高洪養生論云：王叔和性沉靜、好著述、考覈遺文、採摭羣論、撰成脈經十卷。編次

無已曰、仲景之書遠今千年而顯用於世者、王叔和之力也。案王叔和於仲景書、雖無所發明、而傳經之功、自

亂仲景原文、過矣。今附諸仲景傳後、以彰其功。○又案傷寒論註以成無已爲最先、無已聊攝人、生於宋嘉祐

經、所以俗醫分爲二門、致今時衆口一辭謂仲景、能治傷寒而不能療雜證、冤哉。陸九芝曰、仲景傷寒論見隋書

從丹溪學、淵源有自、皆必證之書。又曰、註傷寒者、明時已有五十餘家、今則百餘家矣。其篇次各不同、欲

得傷寒論原次、必要讀千金翼。

歷代名醫評贊

醫聖張仲景傳

皇甫士安曰、伊尹以元聖之才、撰用神農本草以爲湯液、漢張仲景論湯液爲十數卷、用之多驗。近世太醫令王叔和、撰次仲景遺論甚精、皆可施用。

陶隱居曰、惟張仲景一部、最爲衆方之祖。又悉依本草、但其善診脈、明氣候、以意消息之爾。

孫思邈曰、傷寒熱病自古有之、名賢濬哲多所防禦。至於仲景、特有神功、尋思旨趣、莫測其致、所以醫人、未能鑽仰。

成無已曰、自古諸方、歷歲浸遠、難可考評。惟仲景之方、最爲衆方之祖。是以仲景本伊尹之法、伊尹本神農之經、醫帙之中、特爲樞要。參今法古、不越毫末、乃大聖之所作也。

劉河間曰、自黃帝之後、二千五百有餘年、有仲景方論一十六卷、使後之學者、有可依據。又曰、仲景亞聖也、雖仲景之書未備聖人之教、亦幾於聖人焉。

李東垣曰、易水張先生云、仲景藥爲萬世法、號羣方之祖、治雜病若神。後之醫者宗內經法、學仲景心、可以爲師矣。

王海藏曰、余讀醫書幾十載矣、所仰慕者仲景一書爲尤、然讀之未易洞達其趣。又曰、折中湯液、萬世不易之法、當以仲景爲祖。又曰、金匱玉函要略、傷寒論、皆張仲景祖神農、法伊尹、體箕子、而作也。

朱丹溪曰、仲景諸方、實萬世醫門之規矩準繩也。後之欲爲方圓平直者、必於是而取則焉。或問曰、要略之方、果足用乎。曰、天地氣化無窮、人身之病亦變化無窮。仲景之書載道者也、醫之良者引例推類、可謂無窮之應用。借令略有加減修合、終難踰越矩度。又曰、圓機活法內經具舉、與經意合者仲景書也、仲景因病以制方。

李樾曰、獨有漢長沙太守張仲景者、揣本求源、探微索隱、取內經大小奇偶之制、定君臣佐使之法、而作醫方、表裏虛實、真千載不傳之祕。乃大賢亞聖之資、有繼往開來之功也。

方中行曰、昔人論醫、謂前乎仲景有法無方、後乎仲景有方無法、方法具備惟仲景此書。然則此書者、盡斯道體用之全、得聖人之經而時出者也。後有作者、終

莫能比德焉。

喻嘉言曰、張仲景傷寒論一書、天苞地苻、爲衆法之宗、羣方之祖。

徐靈胎曰、仲景之治病、其論藏府經絡、病情傳變、悉本內經。而其所用之方、皆古聖相傳之經方、並非私心自造。間有加減、必有所本、其分兩輕重、皆有法度。其藥悉本神農本草、無一味游移假借之處。非此方不能治此病、非此藥不能成此方。精微深妙、不可思議。藥味不過五六品、而功用無不周。此乃天地之化機、聖人之妙用、與天地同不朽者也。

陳修園曰、仲景書本於內經、法於伊尹、漢書藝文志及皇甫謐之言可據。蓋內經詳於鍼灸、湯液治病始自伊尹、扁鵲倉公因之。至仲景專以方藥爲治、而集羣聖之大成。醫門之仲景、卽儒門之孔子也。

費伯雄曰、仲景立方之祖、醫中之聖。所著傷寒金匱諸書、開啓屯蒙、學者當奉爲金科玉律。

日本山田正珍曰、余嘗讀仲景氏書、觀其立法之意、循循然莫不有規矩。說補不

偏乎補、說瀉不偏乎瀉、曲盡機變之妙、以極其源、其文簡而達、其法約而中、苟能熟之、則不眩於疾病之多、無憾於法方之少。其爲後世慮者、可謂詳且備矣。尾臺榕堂曰、長沙爲千古用方之鼻祖。然其方則咸出於三代聖賢之精製、長沙特集其大成耳。其方簡明正嚴、條理秩然、寬猛之治、和攻之法、無不周詳賅備。故苟能講習諳練、以精究其意、推廣其義、則萬病之治、可運之掌也。

謁南陽醫聖張仲景祠墓記

予自弱冠時，讀傷寒論，金匱要略，卽欲詳知張仲景先生之歷史。乃檢後漢書三國志，而無仲景傳。後考各家醫書，及子集稗史，間有載其佚事，東鱗西爪，詳略互見。於是蒐輯諸書，撰張仲景傳，列於拙著傷寒雜病論集註卷首。而仲景祠墓，則自漢迄明，志乘失載，文獻無徵。有清康熙中，徐忠可著金匱要略論註，卷首載張仲景靈應記一篇。蓋節錄馮應鰲醫聖張仲景靈應記，桑芸張仲景祠墓記而成者。記云，「蘭陽諸生馮應鰲，崇禎戊辰初夏，病寒熱幾殆。夜夢神人，金冠黃衣，以手撫其體，百節通暢。問之，曰「我漢長沙太守南陽張仲景也。今活子，我有憾事，盍爲我釋之。南陽

城東四里有祠，祠後七十七步有墓，歲久湮沒，將穿井於其上，封之惟子。「覺而病良愈。是秋，應鰲卽千里走南陽城東，訪先生祠墓於仁濟橋西。謁三皇廟，旁列古名醫，內有衣冠鬚眉，宛如夢中見者。拭塵視壁間，果仲景也。因步廟後，求先生墓，已爲明經祝丞蔬圃。語之故，駭愕不聽。詢之父老，云「廟後有古塚，碑記爲指揮郭雲督修唐府，燒灰焚毀。」應鰲遂記石廟中而去。後四年，園丁掘井圃中，丈餘得石碣，果先生墓。與應鰲所記，不爽尺寸。下有石洞幽竊，聞風雷聲，懼而封之。應鰲以竊盜充斥，不能行。又十年餘，應鰲訓葉。葉隸南陽，入都謁先生墓，墓雖封，猶在洳流哇壤間也。問其主：易祝而包，而楊，楊又復歸包。包孝廉慨然捐其地。郡丞漢陽張三異，聞其事而奇之，爲募疏，請之監司僚屬，輸金助工。立專祠，重門殿廡，冠以高亭，題曰「漢長沙太守醫聖張仲景祠墓。」鄉耆陳誠又云，「祠後高阜，相傳爲先生故宅」迄今以張名巷。巷之西，有張真人祠，名額存焉，祀張仙，或傳之久而誤也。祠墓成於順治丙申年，距戊辰已三十稔云。「仲景祠墓見於載籍者始此。十年前予卽發願謁仲景祠墓，考索遺蹟，以事未果。今歲仲秋承楊茂三王岐山趙子餘諸先

生餽贐。迨至本月一日，始由西安啓程，四日晚抵南陽。翌晨沐浴訖，詣東郭北隅，見道旁有廟，前列數碑。東有仲景神道碑，知卽爲三皇廟，創建於明嘉靖丙午年，內祀伏羲，神農，黃帝，暨岐伯以下，十代名醫。鄉人謂民國十七年，石友三軍駐宛，將廟中神像盡毀，近年於內設立學校。仁濟橋在廟前東郭岩外，亦嘉靖時所建也。由廟後行六十餘步，卽醫聖祠。而順治丙申馮應鰲所立之靈應碑，在祠外東郭岩內壁間。桑芸所立之祠墓記碑，露立祠右，文與馮碑詳略互見。墓在祠門內，前有碑高八尺餘，係順治十三年，郡丞張三異所立。予禮敬訖，見墓前又一小碑，高二尺餘，文曰：漢長沙太守醫聖張仲景墓。字體道逸，類晉人書。蓋卽明崇禎五年，園丁穿井鑿地所獲者。見此碑而仲景之墓，乃有確據，距今歲適甲子五周矣。祠中諸碑，古而可寶者，當以此爲最云。墓高八尺，後舊有藤數本，外砌磚，上覆亭，民國十二年，邑人楊文濂所建也。墓東距郭垣僅五步，前後三十餘步，南北與郭垣相直，蓋特爲仲景祠墓將郭垣外伸數步，乃成弧形。查南陽環城郭岩，築於同治五年，爲玄妙觀羽士張宗璿，規畫建築，以禦捻寇者，使仲景不顯靈異於明末，不惟難免穿掘之患，且必爲郭垣

所覆矣，體魄焉能卒獲安全哉。墓後數步爲祠，正殿三楹，中祀仲景塑像，金冠黃袍，豐顏隆準，黑鬚三綰，平膝正坐，手持如意一柄。像前金字牌位，文曰：醫聖先師漢長沙太守張公神位。左旁祀註傷寒論諸公牌位六，右旁祀孫真人像。東序祀周公景福，西序祀神醫何仙。又有佛像數尊，參乎其間，不倫不類，混祀一堂，蓋清道光後，鄉人隨意妄增也。予歷覽廟宇，見其門敞廡頽，庭穢垣圯。一道童守門，云「其師李智祥，年近古稀，因祠產爲學校所奪，惟恃遊募度日。」予考索碑文，祠產原有園田四十畝，係順治十三年，包孝廉捐施。姚家莊地四頃八十畝，係康熙二十七年，周景福捐施。附郭地五十畝，係康熙五十九年姜大成吳國士捐施。專供本祠祀祭，暨修葺看守之資。詳詢該地人士，得知姚家莊地四頃八十畝，於民國初年，撥歸師範學校。附郭園地九十畝，民國十七年，石軍駐宛，變賣廟產，被劣紳先及元，倚勢乘危，以賤價買去。至十九年，該紳以不法事，爲張伯英總指揮槍斃。去歲，其兄先登雲，以積惡不悛，爲劉雪亞督辦處決。兄弟同惡相濟，咸遭顯戮，家產六七十頃，悉數充公，而此項祠產，遂亦歸師範學校矣。愧予德薄力綿，無能爲役，則恢復祠產，莊嚴廟

貌，是所望於邦人君子云。謁神畢，甫出門，見一小碑，側置祠外。讀其文，乃崇禎元年九月，馮應鰲所立之紀事碑。原在三皇廟中，馮氏去後，旋爲不便者仆沒。及順治十年，馮氏再至，求之不得，疑爲人毀矣。有僧洪秋者，昔卓錫此地，錄文而笥藏之，馮從之得其文，復刊於石，而詳記其顛末於後。今秋校長某，見碑於階下，不忍爲人踐踏，而移於此。按此碑已沒三百餘年，爲考究仲景祠墓者，最要之史料。不惟今世所當珍，即在當時，馮氏亦極重視，惜其不克再覩也。予亟昇祠內，樹之殿左階上。翌日再往謁神，見香案前置問事籤筒，偶抽其一，得第九十一，上書七言一首，首句云君今頂禮叩前緣。因感其靈，爲之撰製楹聯文曰道續農黃，德侔孔孟；懸諸殿前，藉表景仰愚誠。擬將祠田被奪情形面陳該縣王縣長幼僑，請其設法歸還。適王縣長赴許昌迎張總指揮未歸。余亟於赴京滬，特留書一函，託紳士王錫三轉達。計住南陽七日，拓碑六種，攝影三幀，謹記其概如右。中華民國二十二年十月十一日

余友黃君竹齋，長安隱君子也。酷嗜軒岐，瀏覽古今醫籍數百種。傷寒金匱尤寤饋無虛夕。所著傷寒雜病論集註，傷寒雜病論新釋，鍼灸經穴圖考等書，均能贈

炙人口。今之私淑南陽而能入仲聖宮牆者，難數數觀。觀其讀仲景書，尤欲想見其爲人，久欲親謁祠墓，得瞻道貌爲幸。去冬跋涉千里，冒風雪，走南陽，考察遺蹟，訪詢廟產。斷碑殘碣，親爲移置，徘徊不忍去。並將祠堂墓樹，拍照來京。十年宿願，一旦克展，快慰生平。此黃君娓娓告予，因之喜而不寐者竟夕。蓋余有志未遑，今聞其言，覩其圖，心焉嚮往者久之。且黃君爲吾道有心人，其於聖祠頹圯，則有志修理。墓田被佔，則設法追還，已呈請中央國醫館函請河南省政府令飭南陽縣府查明追還。此案尙無結果，黃君怒焉如搗，蓋憂年湮代遠，祠田難返，春秋歲時，無以崇德報功也。近聞河南二十路總指揮張鈞將軍發起修建仲景祠墓。闢地數十畝，草擬修祠緣起，慷慨激昂，聞者動容。醫藥不亡，於此可見。嗚呼，祠田散失，既有黃君奔走呼號於前；外醫囂張，復有張公表揚闢地於後。先後媲美，如出一轍。丁茲中西醫學奮鬥之秋，木鐸一聲，長沙萬古，四海同人，不日覩斯廟貌巍峨，煥然一新。能無油然而興尊重師道之感乎？中央國醫館編審委員周柳亭敬識。

王幼農范紫東致焦易堂館長函

易堂仁兄先生偉鑒，久疎賤候，歉仄良深，就謫動履勝常，公私暢遂，至以爲慰。啓者，南陽張仲景爲醫中亞聖，惠濟生民，厥功非淺。吾鄉黃君竹齋，肆力醫學，此次攜所著醫書赴滬刷印，迂道拜謁仲聖祠墓。及至南陽，乃知祠產地畝竟爲劣紳侵奪，隨即致函南陽縣長，並請各方贊助以伸公理。閣下提倡國醫，對於仲聖祠產，諒必有正當之辦法。黃君現到南方，或以面陳此事。茲特將致縣長原函抄閱，尙望鼎力設法。是所至禱。肅肅卽頌勛祺不宣

愚弟王典章范凝績鞠躬

黃謙致南陽縣縣長王幼僑函

幼僑縣長閣下，敬啓者，謙長安人也，現年四十八歲，賦性愚拙，不自度量，欲以發揚中國醫學爲己任。自弱冠以來，寢饋於張仲景傷寒論，金匱要略者，二十餘年。涉獵醫書數百種，訂俗本之訛謬，輯諸註之精華，參合近世生理學說，著成傷寒雜病論集註十八卷，傷寒雜病論新釋十六卷，經方藥性辨四卷，鍼灸經穴圖考八卷，都凡數

百萬言。擬將印行，質正當世。特來南陽，專誠拜謁張仲景祠墓，考索遺蹟，拓碑攝影。瞻仰廟宇，門做廡頹，屋破垣圯，荒穢景况，觸目傷心。詢諸廟祝，得知祠產原有園田四十畝，附郭田五十畝，姚家莊田地四頃八十畝，係清初善士包孝廉，周景福，姜大成等，先後捐施，專供香火修葺暨住持衣食之資，均有碑文可稽。姚家莊地，民國初年爲本縣師範學校佔奪。附近園田八十畝民國十七年石友三軍駐宛。變賣廟產，其勢岌岌，劣紳先及元時爲商會會長，及第一區區長，倚勢乘危，以賤價從玄妙觀買去。二十年該紳以不法事爲張總指揮槍斃，去春其兄先登雲復以積惡不悛，經衆告發，爲劉督辦處決。兄弟同惡相濟，咸遭顯戮，家產七十頃悉數充公，而此項祠產遂亦撥歸本縣師範學校，以致香火修葺之費無著。住持道人李智祥，年近古稀，惟恃遊募度日，聞之不禁惻然。伏思張仲景爲我國醫中亞聖，道續農黃，德侔孔孟，所集傷寒金匱，尙論者推爲方書之祖。自漢迄今千有七百餘年，歷代醫家奉爲圭臬，濟世活人，功在生民。仁術教澤，遠被東瀛，久爲日人所尊崇，誠我華族莫大之光榮。若聽其祠產任人侵奪，廟貌長此頹圯，不惟無以表示國人追功報德之忱，抑恐致貽外邦數

典忘祖之誼，是以不忍緘默，用敢蕪詞冒瀆，懇乞 閣下秉公執言，召集耆紳曉以大
繆，或行文上峯陳明事實，務使該校將所奪醫聖祠田地，照數歸還。或由官紳及醫藥
兩界，組織一保管委員會負責保管，則神人同感，功德無量矣。南陽自古多賢哲，當
今豈乏善士，苟有甘冒不韙，出而阻撓，意圖把持，以蔑神欺儒，辱國敗法爲能者。
謙不敏，當在京滬將此事實報端宣傳，訴諸輿論，以彰公理、敬求邦人君子共同援助
，惟力是視。尙冀閣下鑒茲悃誠，俯允所請，依法處理，襄此義舉，是所切禱。肅
布達，敬候 善祺

黃謙謹啓

中央國醫館咨河南省政府函二十三年一月九日

爲咨請事，案據醫士黃謙報稱，以南陽先賢張仲景廟產，先因劣紳剝蝕，後由該縣師
範學校強行侵奪，盡數沒收，蕩然廢棄，良深浩歎。懇祈轉請河南省政府，令飭南陽
縣縣長設法整理，俾使原有廟產，完全歸還以崇紀念。等情據此，查張仲景爲我國醫
中亞聖，導揚學術，惠濟民生，厥功匪淺。爲特據情轉咨貴政府，迅飭南陽縣縣長，
查明所有張仲景廟產，掃數撥還，以維香火而崇紀念。除抄附黃謙致該縣縣長王幼僑

原函一通，以明事實外，相應咨請，即希查明辦理，並祈見復爲荷。此咨

河南省政府

河南省政府咨中央國醫館函 二十三年一月十八日

案准貴館二二零一號咨，以按中醫黃謙報稱，以南陽醫聖張仲景廟產，經該縣劣紳及師範學校剝蝕侵奪，囑即令飭南陽縣查辦等由，附送黃謙致南陽縣函一件。准此，除令南陽縣政府查明核辦外，相應咨覆，即希查照爲荷，此致

中央國醫館館長焦

河南省政府咨中央國醫館函字第六二三號

案接兼代南陽縣縣長王幼僑呈稱案奉

鈞府第三九七號訓令開，准中央國醫館第二二零一號咨開，以南陽先賢張仲景廟產，先因劣紳剝蝕，復由該縣師範學校強行侵奪，蕩然廢棄良深浩歎，咨飭掃數撥還等由。飭即查明核辦，具報察奪，等因奉此，當經令飭本縣第一區區長查復，茲據該員復稱，遵查該祠廟產，原有菜園地八畝，宅地二畝，於民國十六年被劣紳先及元剝蝕入

已，嗣後先及元伏法，由公家沒收，撥歸教育局，課給北關師範學校經營，又有旱地三十八段，共四頃八十畝，坐落於城東雙舖西邊姚莊。又東寨外明遠頂東邊小莊，旱地一頃三十畝，民國元年五月間，被縣議會沒收。現在均歸教育局，撥充鄉村師範經費，若現在完全收回，應由教育局先將鄉師經費籌定，庶先賢祠產與教育兩無窒礙，等情據此，兼縣長復查屬實，理合具文呈復鈞府鑒核。等情據此，除指令呈悉，查張仲景廟產既在民國十八年，監督寺廟條例頒佈以前撥充教育經費，核與二十年二月六日內政部禮字第八號咨開，在監督寺廟條例未公佈以前業經處分之寺廟勢難恢復者，只得暫維現狀，免致糾紛等語，自未便發還，致滋糾紛。除咨請中央國醫館查照外，仰即知照，此令印發外，相應咨請查照爲荷。此咨

中央國醫館館長焦

寧波訪求仲景遺書記

余於去冬詣南陽，恭謁醫聖張仲景祠墓。心有所感，遂發願搜羅仲師遺著，欲輯成全書，貢獻醫林。今春偶於南京書肆，購得浙江流通圖書館國醫圖書專號一冊，載有張

仲景療婦人方二卷，五藏榮衛論一卷，均註存天一閣鈔本字樣。考此二書，其目見於梁七錄，及宋史藝文志。而明志，及清四庫全書總目，皆未著錄，知其遺佚已久。余心焉識之，遂懷往鄞閱鈔之念，數月以來。耿耿於中。本月一日，始克啓程，由京過滬，謬承海上同仁謝利恆，蔣文芳，盛心如，張贊臣，過鶴帆，諸先生先後宴邀，隆情厚意，感激靡已。並擬在上海設立建修南陽醫聖祠享殿募捐委員會，其好善樂義之熱心，誠堪欽佩。同時得遇陸士諤，吳克潛，許半龍，朱鶴皋，陳澈庵，嚴蒼山，章鶴年，黃寶忠，秦伯未，及長沙易南坡，諸先生會晤暢談，藉抒積愫。四夕乘輪，翌晨抵甯波，卽往天一閣，適值修葺，尙未竣工，詢諸守者，得悉該閣係明嘉靖時，侍郎范欽字東明者所創建。舊日度藏宋元明木板書籍數萬卷，近年以來，范氏式微，將書賣去十之七八，現時所存無幾。本縣士紳以該閣爲全國所知名，關係文獻綦重，不忍任其散失，乃組織文獻保管委員會，與范氏子孫之賢者，共同負責保管。箚藏重鎖，非會同兩方，不能啓視。余聞之悵然，迺往訪鄞邑醫界碩望周岐隱先生。因周君著有傷寒汲古，精神病廣義，久已膾炙人口，爲醫林所重。余旣讀其書，想見其爲人。

觀面若舊識，導余參觀怡怡書屋。乃介弟采泉君之私塾，學生廿餘，經史外授以科學常識，課本皆周君編印。其昆仲友恭行誼，殊堪矜式。留余午餐，同席者王宇高君，民十八曾爲全國醫藥團體請願甯波代表。吳涵秋君，四明武術名家。桂林羅哲初先生，通經術，能文章，精究醫理，兼擅鍼灸，身逢世亂，以醫自隱，寓鄞十餘年，現爲本縣廣濟施醫局主任。與余談頗歡洽，云其家藏有古本傷寒雜病論鈔本，較瀏陽劉岷湘所得者多三分之一。邀余明日午餐，可臨伊廬一觀，並介紹本地名宿數人與余會面，情意懇懇，余旣感且喜。飯後周君邀余遊公園，至圖書館，乃檢查天一閣藏書目錄，並無五藏榮衛論，療婦人方之目，不知浙江流通圖書目錄，何所據而云然。殊令人失望。然到此於無意中邂逅羅先生，得見古本傷寒雜病論，其書之隱顯，殆有數存焉。抑仲師之靈，冥冥中有以感召耶。翌日午後，同周君至羅第，晤陳君詒先生，以所著古本難經闡註校正贈余一部。羅先生云，伊所藏古本傷寒雜病論，全書十六卷，共計四冊，此間只有首一冊，餘存桂林。余披閱一過，其卷端序一篇，清光緒二十年甲午春二月桂林左盛德撰，叙是書傳授淵源頗詳。云清道光時，左公隨父宦遊嶺南，同

僚有張公學正字紹祖者，仲景四十六世孫也。言仲景之書，當日稿本原有十三，王叔和所傳者爲第七次稿。伊家藏有第十二稿。歷代珍藏，未嘗輕以示人。左公之父，亟令左公師事之，乃克鈔寫一部，由是誦研，遂精於醫。後旋桂林，羅先生從之學，因得手鈔其書。四十年來，亦從未出以示人。雖與周先生交誼最摯，亦未曾寓目。今乃感余之誠，遠來不易，特公開一覽。按瀏陽劉峴湘民國初年，以母喪求葬地於江西山谷中。遇異人張隱君，得古本傷寒雜病論十六卷。後以授其宗人劉仲邁，壬申春，湘省主席何公芸樵，爲之手寫付印，始公於世。去秋周岐隱先生，取古本與通行本比類互參，錄其佚文佚方，訂誤各條，編成傷寒汲古三卷。今觀羅先生之古本首冊，較劉仲邁之古本，傷寒例後多雜病例一篇。（卽金匱藏府經絡先後篇全文，及夫病者手足寒上氣腳縮一條，五藏風寒積聚篇師曰熱在上焦者以下三條，）傷燥脈證并治後，有傷風寒病二章。其餘文字，亦有小異。羅先生言，後三冊六經篇後，無可與不可與各條，而有金匱諸篇，則此本是較劉本爲勝，蓋舉雜病而名書，則金匱諸篇實不可闕也。又左公序中云，仲師後裔，自晉以後，遷徙不一，張紹祖之高祖復初公，自嶺南復

遷居光州云。余因此書關係國醫學術，甚爲重要。慫恿其亟公於世，並囑周君促成其事。俾仲師佚文，不致湮沒，則余此行爲不虛矣。中華民國二十三年甲戌十二月八日，長安黃竹齋記於普陀佛頂山。

讀黃竹齋『甯波訪求仲景遺書記』書後

余曩讀傷寒雜病論久之，而感有三難。蓋論文古奧，字句簡賅，不易索解，難一。宋元以後，注疏無慮百數十家，但各是其是，各非其非，互相攻訐，莫衷一是，難二。論文流傳至今，閱千七百餘年，經歷代戰爭兵燹之後，其篇次之凌亂，原文之散失，在所不免，因註者每多隨文釋義，致真理日趨湮晦，難三。有此三難，使讀者墮入五里霧中，故望洋興嘆者屢矣。然余因長夜茫茫，復行黯徑，是以寢饋不遑。私念與其爲割裂經文，顛倒竄易者所羈絆，何如斷其瓜蔓，斬去葛藤，祇讀原文，於章節中悟神髓，於無字處會精神，日久自覺金石可通，鬼神來告，知某章爲仲景原文，某節爲後人竄易，某句爲抄寫倒錯，此余念年來讀傷寒論於發憤忘食中，而別開生面者也。不然，魚目混珠，孰是孰非，不能起仲師於泉壤而問之。其真理終難大白於醫林

，而免誤後學。曹穎甫云，自張隱庵出，始能辨傳寫倒誤，而猶多沿襲。自黃坤載出，始能辨三陰生死，而狃於五行。章餘姚曰，歷來註釋傷寒，惟浙之柯氏，能創通大義。吳之尤氏，能肇劃條理。下此以往，皆不足觀。二氏之言，可謂先得我心者矣。

或謂平脉傷寒例各篇，爲叔和所補，而開後世逞其私智：以僞亂真之濫觴。使傷寒精義，日趨於支離滅裂之途徑，作俑之罪，叔和烏可道耶。不知東漢迄晉，數百餘年，叔和得仲景傷寒論原本於斷簡殘篇中，編次鈔傳，後世刊行。（至唐宋之交始刊行於世）使金科玉律之寶典，抱殘守闕，賴以不墜。倘漢無伏生，則尙書古籍，必永滅於祖龍灰燼之餘。晉無叔和，則傷寒六篇，早絕跡於五胡亂華之後。仲景之學，繼往開來，集醫聖之大成，爲羣方之鼻祖，不遇叔和紹其絕學，則長沙遺軌，焉得再見於今日。然千餘年億兆生民之疾苦，已少此生死肉骨之良機。則王氏功在後世，未可厚非。若仍以擅補傷寒例各篇，非仲景原文罪之，不獨以一眚掩大德，抑亦責人無已時耳。

黃君祖述茲篇垂三十年，雖擷百家之精華，猶恐掛一而漏萬。其鉅著傷寒雜病論

集註，以三陰二陽鈐百病之源，糾正歷來諸家解釋之錯誤，實言前人所未言，確屬自闢蹊徑，獨有心得。然猶虛懷若谷，旁搜博採，繼得「古本傷寒雜病論」。該書係湖南劉岷湘得之江西張隱君，一十六卷，首尾完好。其宗人劉仲邁取世傳最古之宋林億本校讎之，而湘省主席何芸樵氏手鈔付印。鄞縣周岐隱又亟錄佚文及訂誤諸條，別爲一集，顏曰「傷寒汲古」，計分三卷，共佚文一百六十五條，訂誤七十九條，佚方八十有八，已付印公之於世。該古本如鳳毛麟角，可珍可貴，黃君已參入已著傷寒雜病論集註中，與通行本不同之點，補其佚闕，校其脫訛，前後銜接，朗若列眉。故是書一出。旋告售罄。黃君月前又赴甯波天一閣，訪求仲景遺著。於無意中遇桂林羅哲初先生，得發現仲景當日所著傷寒雜病論第「十二次原稿」。較瀏陽劉岷湘所得之長沙古本多三分之一。黃君因探得驪珠，歎爲奇遇。所託異者，羅君與周岐隱以十餘年之知交，終未以珍藏傷寒古本見示，必待萍水相逢之黃君覲面，而一見傾心，將奇書共爲欣賞。夫黃石授書，至今傳爲美談，今羅君豈以黃子梯山航海，因慕道之誠，而不吝珠璣耶。抑丁茲中西醫學奮鬪之秋，仲景在天之靈，使南陽遺文，發掘寶藏，仍歸之中華民

族耶。醫藥不亡，於此可見。豈非彼蒼實昭鑒之歟。昔朱子註四書，稿經七易，而聖道益彰。不意仲景撰著傷寒論，乃稿至十三竄，其慘淡經營，終使學理顛撲不破，爲百世奉爲圭臬之醫典，嗚呼，厥功偉矣。夫叔和所鈔行後世者，相傳係第七次稿，今黃子赴甬發現羅君所珍藏者，乃第十二次稿。不知江西張隱君所授劉崐湘，是第幾稿。二千年零縑碎錦之十三稿，究不知如數仍藏之名山，傳之其人否也。日月一出，則燭火無光。古本再見。則臆說可罷。彼通行本之散佚譌謬，註釋者之附會牽強，已不攻自破，而弗值識者一笑。豈非千載疑團，一朝大白之快事耶。惟望羅君將所藏鈔本傷寒雜病論，亟公諸世，刊行遠邇。一以再補通行本之錯誤脫闕，一以亟供醫藥界之切實探討。使仲景心傳，發揚光大，以貢獻世界之研究。將來中華醫學，終有形成國際化之一日，則仲景「古本傷寒雜病論」顯晦有時，關係醫藥至鉅，非偶然也。吁嗟，吉光片羽，猶在人間。金匱玉函，彌珍天壤。柳亭謹代表海內醫藥同仁，敬謝羅君古本傷寒雜病論之公開，以永垂不朽。則黃君此行，冥冥中殆有數存焉。繼自今第一「十三次稿」倘再發現於神州大陸，爲國醫界放一異彩，余不禁同此馨香禱祝矣。

前稿甫脫，適甯波周岐隱宗兄來函，附傷寒雜病論「十二稿」手寫本「序文」一首。蓋誦迴環，爲之景仰感喟者久之。夫仲景傷寒雜病論，成於炎漢建安紀年。其十二稿忽發現於國醫焦頭爛額之秋，上下二千年，經歷代之兵戈，宗室之遷徙，卒能爲仲師四十六世賢孫紹祖所保存。再經左羅師生蘊匱珍藏，俾長沙遺文，仍還之長沙。中流砥柱，以挽狂瀾，豈非天哉。所可慨者，該十二稿獨發現之不早耳。使披露於明清之際，以張隱庵柯韻伯之學理卓絕，尤在涇徐靈胎之才識過人，得此校正譌誤，補出脫闕，闡明傷寒之真諦，直抉六經之原委，庶荆棘除而康莊在前，砭疔去而完璧自見，何至古今註釋各家，多以紫奪朱，顛倒經文，紛紜聚訟，使傷寒真義，湮沒不彰者，數百年於茲耶。第先聖學說，晦顯有時，往者已矣，補牢未晚。興廢繼絕，責在賢豪，此稿一出，定能風行海內，膾炙人口。則左羅黃周諸君，羽翼仲景之功，爲不可沒矣。余亟將來序並周函，述其顛末，趕登各地刊物，以冀國內外醫界名流，先覩爲快云爾。

周柳亭附誌於中央國醫館

附周岐隱先生來函

柳亭宗丈先生道鑒，謹啓者，前日黃竹齋先生來函，小住二日，卽往遊普陀。未知近已返京否。渠在敝地，見仲景第「十二稿」之手寫本，歎爲奇遇。囑弟代鈔數葉，茲交門人先錄出左公書序。如黃君已到京，祈爲轉交。倘尙在申，望暫爲保存。並盼示覆爲感，肅此敬候起居

十二月十四日宗教弟岐隱拜啓

傷寒雜病論序

余聞吾師張紹祖先生之言曰，吾家傷寒一書，相傳共有「二十三稿」。每成一稿，傳鈔殆徧城邑。茲所存者，爲第「十二稿」。餘者或爲族人所秘，或付劫灰，不外是矣。叔和所得，相傳爲第「七次稿」，與吾所藏者較，其間闕如固多，編次亦不相類。或爲叔和所篡亂，或疑爲宋人所增刪，聚訟紛如，各執其說，然攷晉時尙無刊本，猶是傳鈔，唐末宋初，始易傳鈔爲刊刻，遂稱易簡。以此言之，則坊間所刊者，不但非漢時之

原稿，恐亦非叔和之原稿也。余聆訓之下，始亦疑之，及讀至傷寒例一卷，見其於可汗不可汗，可吐不可吐，可下不可下法，盡在其中。於六經已具之條文，並不重引，法律謹嚴。始知坊間所刻之辨可汗不可汗，可吐不可吐，可下不可下，以及發汗吐下後各卷，蓋後人以讀書之法，錯雜其間，而未計及編書之法，固不如是也。不然，孔氏之徒問仁者衆，問政者繁，何不各類其類，而憚煩若此耶。吾師諱學正，自言爲仲氏四十六世孫。自晉以後，遷徙不一，其高祖復初公、自嶺南復遷原籍，寄居光州，遂聚族焉。吾師雖承家學，不以醫名，亦不輕出此書以示人。余之得受業者，殆有天焉。余宿好方術，得鍼灸之學於永川鄧師憲章公，後隨侍先嚴遊宦嶺南，與吾師同寅。朝夕相過從，見余手執宋本傷寒論，笑問曰：亦嗜此乎。時余年僅弱冠，答曰：非敢云嗜，尙未得其要領，正尋繹耳。師曰：子旣好學，復知鍼灸，可以讀傷寒論矣。吾有世傳鈔本傷寒雜病論十六卷，向不示人，得人不得，恐成墜緒。遂歷言此書顛末，及吾師家世，滔滔不倦。先嚴促余曰：速下拜，於是卽席拜之，得師事焉。今羅生哲初，爲吾邑知名之士，從習鍼灸，歷有年所，頗能好余之所好，余亦以所得者盡授

之。余不負吾師，羅生亦必不負余，故特序其原起，羅生其誌之，羅生其勉之。

光緒二十年歲次甲午春三月桂林左盛德序

中央國醫館第二屆全國國醫藥界代表大會

提案

爲提議募捐重修南陽醫聖祠享殿以崇先聖而揚國光案

理由

竊以表彰先哲增國際之光榮報德追功見民風之敦厚我國醫藥學術創始於神農發明於黃帝三代及漢漸臻完備至張仲景撰傷寒雜病論而集其大成尙論者推爲方書之鼻祖醫宗之亞聖歷代醫家莫不奉爲圭臬教澤久被東瀛仁術漸及西歐不僅爲我國千有七百餘年民族疾病所託命亦現代國際醫藥學術莫大之光榮茲查南陽醫聖祠在仲景墓後僅殿宇三楹屋敞垣頽湫隘殊甚而祠田六頃餘盡爲該縣師範學校所佔有不惟無以表示國人崇德報功之誠抑且致貽外邦數典忘祖之誚同人等服務國醫藥界不忍膜視爰集衆議除呈請

中央國醫館行文河南省政府令飭南陽縣將該師範學校所佔醫聖祠田地全數歸還外擬於

仲景墓前建築享殿五楹中祀醫聖張仲景左配祀王叔和右配祀孫思邈東西廡各五楹祀註傷寒論金匱要略朱肱成無已許叔微趙以德方中行王肯堂喻嘉言程郊倩魏念庭程雲來徐忠可柯韻伯尤在涇汪苓友周禹載張令韶張隱庵錢天來吳謙徐靈胎黃坤載陳修園諸大家並建門樓二間藏書閣一座蒐羅仲景遺著及古今中外諸家傷寒金匱註釋皮藏其中以資學者研究所需款項擬具捐冊千份向海內外好善君子醫藥界同人募集冀茲盛舉並由各地醫藥界聯合組織董事會詳訂章程負監修保管之責以昭大公而垂永久以上所陳是否有當理合呈請

大會公決謹呈

中央國醫館全國代表大會

附賚章程一份

提案人陝西代表黃竹齋

附議人陳遜齋

周柳亭

羅哲初

張忍庵

劉貽炳

郭受天

楊伯雅

隨翰英

程調之

張蘊忠

劉古衡

重修南陽醫聖祠董事會章程 二十四年四月二十二日籌備會修改

第一條 本會由全國醫藥界及各界熱心醫藥人士共同組織之負經修南陽醫聖祠事務之全責

第二條 本會設董事四十九人至九十九人並由董事互推常務董事七人至九人由常務

董事互推董事長副董事長各一人均爲名譽職不得支薪俟經修理事務告成時任務卽爲終了

第三條 本會事務之進行以董事會議決議行之

第四條 董事會議每年舉行一次開會時由董事長招集並以董事長爲主席董事長因故不能執行職務時由副董事長代理

第五條 常務董事每月須開常務會議一次商決進行事項每年須將經辦情形款項收支報告於董事會議

第六條 修祠款項之收集以募捐方法行之由董事會印發募捐公啓及捐冊委託各地醫藥公會或醫藥界著名人士辦理之

第七條 各地負募捐之責者應於接到捐冊後每二月結算一次將已募捐冊捐款匯繳本會保管俟集有成數卽行舉辦修建事宜

第八條 本會收到各地匯繳捐款後除隨時登報公佈外並於辦理歲事時一面印佈總收支報告以昭大公一面將認捐經捐人姓名勒石立碑於祠內以垂不朽

第九條 本會因辦事之必要得設置會計文牘庶務工程等主任由董事長於常務董事中

指派輪流担任期各爲一年

第十條 本會暫設首都長生祠中央國醫館內必要時得在南陽設辦事處經辦招工監修

等事

第十一條 本章程如有未盡事宜得由董事五人以上之提議經董事會議決議修改之

發起重修南陽醫聖祠備案及籌備會議決議之經過

案重修南陽醫聖祠建議書暨董事會章程於民國二十三年九月三十日由發起人黃謙等呈請 中央國醫館備案 本年十月九日奉 館指令二六六七號內開呈暨章程均悉准予備案此令 二十四年三月十七日由發起人等提案 中央國醫館第二屆全國國醫藥代表大會會議黃代表竹齋（即黃謙因陝西醫藥界公推出席代表簽字竹齋）等提議募捐重修南陽醫聖祠享殿以崇先聖而揚國光案 議決交理事會核辦 本年三月二十五日經第二屆第一次常務理事會議第二次代表大會交下關於尊崇醫聖提案第二案交理事會核辦案 議決交審查 四月十三日第二次常務理事會議 議決關於尊崇醫聖案第二件交館擬就募捐

緣起通令全國醫藥兩界盡量捐募俟有成數再由館派員辦理 四月二十二日下午八時由發起人在中央國醫館大禮堂開第一次籌備會 出席者 郭受天 周柳亭 隨翰英 周晉生 張蘊忠 楊伯雅 黃竹齋 劉鴻甫 羅哲初等 討論事項(一)修正章程案 決議第一條原文本會由全國醫藥界共同組織之改為本會由全國醫藥界及各界熱心醫藥人士共同組織之 第二條原文本會設董事二十一人由全國醫藥界推舉並由董事互推常務董事七人改為本會公推董事四十九人至九十九人並由董事互推常務董事七人至九人 第三條本會事務之進行以董事會議決議行之原文下刪董事會議須得過半數董事之出席方為有效十八字 (二)刊刻圖記案 決議刻木質長章一文曰重修南陽醫聖祠籌備處

(三)推舉董事案 決議推 焦易堂 陳立夫 彭養光 陳文虎 張伯英 章太炎 胡文虎 楊仁天 王幼農 楊茂三 王岐山 謝利恆 陸仲安 丁仲英 郭伯良 薛文元 蔣文芳 唐吉父 盛心如 張贊臣 施今墨 陳炘咎 丁福保 葛養民 揮鐵樵 宋大仁 樂紹虞 包識生 潘茂林 陸士諤 張錫三 王碩如 朱鶴皋 王澂瑩 劉通 祈大鵬 吳琢之 孔庚 趙希復 蔡幹卿 蔡承緒 柯與參

余華龔	曹夢塵	陳松坪	周偉呈	曾覺叟	周岐隱	黃星樓	王慎軒	朱殿如
時逸人	鄒趾痕	周禹錫	裘吉生	郝芸衫	劉嶽崙	劉仲邁	王和安	宋愛人
曹炳章	吳瑞甫	呂麗屏	葉橘泉	郭謙齋	雒聲峻	范筱村	黃竹齋	陳遜齋
周柳亭	郭受天	羅哲初	楊伯雅	隨翰英	楊華亭	張蘊忠	劉鴻甫	湯慶麟
同伯亭	張岐卿	劉古衡	徐敬之	周晉生	陸淵雷	李曉峯	王智輝	陳震異
李伯成	陸永年	馬蔭墀	周紹文	張治河	楊博泉	周筱齋	方亦元	岑志良
莊海堂	程調之	朱亦丹等九十九人爲董事由籌備處發函通知						

左修之先生像傳

先生諱盛德廣西桂林人也年十五卽食廩饈中歲酷嗜醫學好遊名山
 大川所遇輒多奇士於永川遇鄧公憲章得鍼灸學於嶺南遇仲聖四十
 六世孫張公紹祖得其家藏第
 十二次傷寒雜病論十六卷原
 稿極深研幾終不欲以醫名世
 晚年歸隱廣授生徒經史而外
 獨不及醫雖有請益俱不輕授
 公之天下而以吾師遺像列於篇首故略敘其顛末俾後之君子得知此
 書之所從來並得仰先生之豐采焉



桂林羅哲初謹識

中華民國二十四年四月三十日出版

(非賣品)

編輯者 中央國醫館編審委員會

發行者 重修南陽醫聖祠籌備處



印刷者 胡開明 賡紙印刷號

南京太平路中

電話二三一六五

1123 = 6